

法政大学学術機関リポジトリ

HOSEI UNIVERSITY REPOSITORY

PDF issue: 2025-05-09

0002引痘略(楚南家文書)

後各一橫穿兩袖結束緊

令兩臂露出男
雖寒天不忌

先左女先右種痘者左手執定孩童之臂勿
令伸縮右手將刀尖點取佳苗向兩臂消燥
清冷淵穴每臂每穴各種一顆如孩童年至
八九歲以上日啗腥膩五味恐或有後天之
毒則於兩穴上下相連之處中間更各種一
顆不宜出四顆六顆數外

其刺法用刀不宜直豎宜輕巧將點苗刀尖
輕々平刺皮膚如一紙之薄刺處約寬一分
以微見血為度將刀尖之漿輾轉收拭同其
微血注于所刺穴中使漿與血調和其氣達
于三焦之經血氣相感自然取效斷不宜手
重恐深刺入肉出血畧多反將苗漿帶去
如法種畢其兩臂微血勿被衣衫拭去
如拭去可

將漿補俟血點既乾徐將衣袖垂下不必用種原處紬包裹束扎反令血氣不行貼身之衣宜用柔軟絲紬若衣服漿洗粗硬者恐致擦損

度苗法

按期取鮮漿種痘以人傳人固妙但祇可施之近處若遠處難取鮮漿可尋佳苗之屬前如式確藏密封帶在身旁日夜不離可以番十

日半月倘不能即用逢痘期之日將其屬背鋪在鮮漿之上使其氣息沾潤或用刀尖沾鮮漿抹過屬背亦可凡用屬時取備人乳少許將刀尖刮取屬中之肉即痘痂向肉一面膿所結成者放於磁器面上以人乳滴入令其濕潤然後用刀尖研刮乳漿照法刺于臂上此特為路遠不能取鮮漿者而言即痘屬亦可取效

又有乾苗法將象牙小簪二枝各就滿漿之
孩童痘上兩三次沾取痘漿俟其乾了藏于
鵝毛筒內用蠟密封可留三兩日用時取備
清水一碗煎滾以牙簪在滾水氣上熏潤互
相刮浮其漿推聚于簪尖上即用刀如前法
刺破孩童皮膜隨將簪插入所破皮膜孔裏
輾轉略為搖動得其微血洗此漿於肌膚口

亦可或將有漿之簪插入滾水內立即提起
搖去滾水如法用之但乾苗有引出有引不
出者不如用痘靨更不如用鮮漿得氣較全
自然之理也

出痘時宜辨

自刺引之後並不發熱起初一二日所刺處
常如蟻咬然至第三四日始露形影發出痘

尖頂脫血跡第五六日起如小疱週圍灌水
第六七日水足灌漿微覺癢第八九日灌
漿滿足兩腋底微疼略似結核頭額掌心俱
見微熱此週身毒由此出毒發則火動正要
其元陽運化也其痘灌漿滿足有如菜豆大
有如白豆大者第九日十日脚外紅暈隨散
微熱必退漿轉黃蠟色先後痘心焦硬處變

蒼而結靨半月之外靨落有肥其靨光澤堅
厚捲邊如小香菰樣細看疤內更有幾點小
疤居其中此種情形齊備可以告成功矣予
身曾親歷故知之更詳

天行之痘醫家先論成色牛痘則須分真假
凡痘頂平而不尖脚收束緊實色如珍珠寶
光中央一點焦硬根脚如有紅線圍纏痘脚

外有紅暈如先天毒重始有如此者乃真痘也
也無水無漿紅暈毒輕則無
或灌漿如黃白膿工線脚或有灌水而不止漿
散而皺不收束色淡白暗而無寬光結靨黃
而薄又有中央厚而邊薄者此假痘也真痘
既出之後天行永不復出即再引之亦無復
出者假痘仍要再種恐其遇天行復出務須

於此等處辨清而種痘之小兒至灌漿後亦
必須請原種痘之人看過方保無誤









